

**UDK: 517.984**

## **GILBERT FAZOSIDA CHIZIQLI CHEGARALANGAN OPERATORLAR.**

**O'ktamova Sabina G'olib qizi**

Qarshi davlat universiteti tayanch doktoranti

**Usmonov Navruz Muzaffarovich**

Guliston davlat universiteti tayanch doktoranti

**Аннотация:** Ushbu maqolada Gilbert fazosida chiziqli chegaralangan operatorlar nazariyasi atroflicha yoritilgan. Jumladan, operator tushunchasi, operatorning aniqlanish va qiymatlar sohasi, bir jinsli operator, additiv operator, chiziqli operator hamda chegaralangan operator kabi asosiy tushunchalarga aniqlik kiritilgan. Har bir tushunchaga oid ta'rif va ularning xossalari ifodalovchi teoremlar keltirilgan. Shuningdek, operatorning normasi va uning asosiy xususiyatlari tahlil qilingan. Maqolada keltirilgan misollar orqali bu turdagi operatorlarning amaliyotdagi qo'llanilishi, xususan, matematik analiz va funksional analizdagi ahamiyati ko'rsatib berilgan.

**Калит so'zlar:** operator, operatorning aniqlanish va qiymatlar sohasi, bir jinsli operator, additiv operator, chiziqli operator, chegaralangan operator, chegaralanmagan operator, operatorning normasi.

**УДК: 517.984**

## **ЛИНЕЙНЫЕ ОГРАНИЧЕННЫЕ ОПЕРАТОРЫ В ГИЛЬБЕРТОВОМ ПРОСТРАНСТВЕ**

**Ўктамова Сабина Голибовна**

Докторант Каршинского государственного университета

**Усмонов Навруз Музаффарович**

Докторант Гулистанского государственного университета

**Аннотация:** В данной статье подробно изложена теория линейных ограниченных операторов в гильбертовом пространстве. В частности, раскрыты основные понятия, такие как оператор, область определения и область значений оператора, однородный оператор, аддитивный оператор, линейный оператор и ограниченный оператор. Для каждого понятия приведены определения и теоремы, описывающие их свойства. Также рассмотрена норма оператора и её основные характеристики. Примеры, приведённые в статье, иллюстрируют применение таких операторов на практике, особенно в математическом и функциональном анализе.

**Ключевые слова:** оператор, область определения и область значений оператора, однородный оператор, аддитивный оператор, линейный оператор, ограниченный оператор, неограниченный оператор, норма оператора.

**UDK: 517.984**

## **LINEAR BOUNDED OPERATORS IN HILBERT SPACE**

**Sabina Golibovna Uktamova**

PhD student, Karshi State University

**Navruz Muzaffarovich Usmonov**

**Abstract:** This article provides a detailed exposition of the theory of linear bounded operators in Hilbert space. In particular, it explores key concepts such as operator, domain and codomain of an operator, homogeneous operator, additive operator, linear operator, and bounded operator. Definitions and theorems describing the properties of these concepts are presented. The norm of an operator and its main characteristics are also analyzed. Examples given in the paper illustrate the practical application of such operators, especially in mathematical and functional analysis.

**Keywords:** operator, domain and codomain of an operator, homogeneous operator, additive operator, linear operator, bounded operator, unbounded operator, operator norm.

Bizga  $H_1$  va  $H_2$  Gilbert fazolari berilgan bo'lsin.

**Ta'rif 1.** Agar  $H_1$  fazoning har bir elementiga  $H_2$  fazoning yagona elementi mos qo'yilgan bo'lsa, bu moslik **operator** deyiladi va  $A: H_1 \rightarrow H_2$  yoki  $y = Ax$  ( $x \in H_1, y \in H_2$ ) kabi belgilanadi.

Umuman  $A$  operator  $x \in H_1$  ning hamma yerida aniqlangan bo'lishi shart emas. Bu holda  $Ax$  mavjud va  $Ax \in H_2$  bo'lgan barcha  $x \in H_1$  lar to'plami  $A$  operatorning **aniqlanish sohasi** deyiladi va  $D(A)$  bilan belgilanadi, ya'ni

$$D(A) = \{x \in H_1 : Ax \text{ mavjud va } Ax \in H_2\}$$

Biror  $x \in D(A)$  uchun  $y = Ax$  bajariladigan  $y \in H_2$  lar to'plami  $A$  operatorning **qiymatlar sohasi** yoki **tasviri** deyiladi va  $R(A)$  bilan belgilanadi.

$$R(A) = \{y \in H_2 : \exists x \in D(A), Ax = y\}.$$

Misol uchun  $A: l_2 \rightarrow l_2, Ax = (x_1, 2x_2, \dots, nx_n, \dots)$

operatorning aniqlanish sohasi butun fazoga teng emas. Chunki bu operator

$$x_0 = \left(1, \frac{1}{2}, \frac{1}{3}, \dots, \frac{1}{n}, \dots\right) \in l_2$$

vektorni  $Ax_0 = (1, 1, 1, \dots, 1, \dots)$  vektorga o'tkazadi va bu vektor  $l_2$  fazoning elementi bo'lmaydi, ya'ni  $x_0$  bu operatorning aniqlanish sohasiga teng emas.

Agar  $H_1$  va  $H_2$  lar chiziqli fazolar bo'lib, istalgan  $x \in H_1$  va  $\lambda \in C$  uchun  $A(\lambda x) = \lambda Ax$  munosabat bajarilsa,  $A$  operator **bir jinsli** deyiladi. Agar istalgan  $x, y \in H_1$  uchun  $A(x+y) = Ax + Ay$  munosabat bajarilsa, u holda  $A$  operator **additiv** deyiladi.

**Ta'rif 2.** Bir jinsli additiv operator **chiziqli operator** deyiladi.

Demak biror operatorni chiziqlilikka tekshirish uchun uni additivlik va bir jinslilikka tekshirish lozim. Chiziqli operatorning ta'rifiga ekvivalent quyidagi ta'rifni ham keltirib o'tish foydadan xoli bo'lmaydi:

**Ta'rif 3.** Agar ixtiyoriy  $x, y \in H_1$  va  $\alpha, \beta \in C$  lar uchun

$$A(\alpha x + \beta y) = \alpha Ax + \beta Ay$$

tenglik bajarilsa, u holda  $A$  operator **chiziqli** deyiladi.

Lekin chiziqli operatorning aniqlanish sohasi chiziqli ko'pxillik bo'lishi talab etiladi. Operatorning aniqlanish sohasi  $D(A)$  deb belgilanadi.  $R(A)$  deb esa  $A$  operatorning qiymatlar to'plamini belgilaymiz:

$$R(A) = \{y \in H_2 : \exists x \in D(A), Ax = y\}.$$

**Misol 1.**  $A: L_2(T^d) \rightarrow L_2(T^d), (Af)(x) = \int_{T^d} v(x-y)f(y)dy$  integral operatorni

qaraymiz, bu yerda  $v(\cdot)$  biror uzluksiz funksiya. Bu operatorning aniqlanish sohasi  $D(A) = L_2(T^d)$ . Chiziqli ekanligi esa integralning chiziqli ekanligidan kelib chiqadi.

Chiziqli operatorlar uchun chegaralanganlik tushunchasi odatdagi funksiyaning chegaralanganligi tushunchasidan biroz farq qiladi.

Faraz qilamiz,  $H_1, H_2$  lar Hilbert fazolari bo'lsin.

**Ta'rif 4.** Agar  $A: H_1 \rightarrow H_2$  operator  $H_1$  dagi istalgan chegaralangan to'plamni  $H_2$  dagi chegaralangan to'plamga o'tkazsa, u **chegaralangan operator** deyiladi.

Demak chegaralanmagan operator biror chegaralangan to'plamni chegaralanmagan to'plamga o'tkazadi. Chiziqli operatorlar uchun chegaralanganlik ta'rifini quyidagicha ham berish mumkin:

**Ta'rif 5.**  $H_1$  va  $H_2$  Hilbert fazolari va  $A: H_1 \rightarrow H_2$  chiziqli operator bo'lsin.

Agar biror  $M > 0$  son va istalgan  $x \in H_1$  uchun

$$\|Ax\|_{H_2} \leq M \|x\|_{H_1}$$

tengsizlik bajarilsa,  $A$  **chegaralangan operator** deyiladi. Agar istalgan  $M$  soni uchun shunday  $x_M \in H_1$  element mavjud bo'lib,  $\|Ax_M\|_{H_2} > M \|x_M\|_{H_1}$  munosabat o'rinli bo'lsa,  $A$  **chegaralanmagan operator** deyiladi.

Agar  $A$  operator chegaralanmagan bo'lsa, uning normasi  $\infty$  ga teng deb qabul qilamiz.

**Misol 3.**  $A: C^n \rightarrow C^n, Az = (z_1, 2z_2, \dots, nz_n)$  operatorni qaraylik.

$$\|Az\|^2 = \sum_{k=1}^n k^2 z_k^2 \leq n^2 \sum_{k=1}^n z_k^2 = n^2 \|z\|^2$$

munosabatga asosan  $\|Az\| \leq n \|z\|$ . Demak, ta'rifga asosan  $A$  chegaralangan operator.

**Ta'rif 6.**  $H_1$  va  $H_2$  Hilbert fazolari va  $A: H_1 \rightarrow H_2$  chiziqli operator bo'lsin. Istalgan  $x \in H_1$  uchun  $\|Ax\|_{H_2} \leq M \|x\|_{H_1}$  munosabat bajariluvchi  $M > 0$  sonlarning aniq quyi chegarasi  $A$  **operatorning normasi** deyiladi va u  $\|A\|$  kabi belgilanadi.

Amalda operatorning normasini topishda quyidagi teoremdan ko'proq foydalaniladi.

**Teorema 1.**  $A: H_1 \rightarrow H_2$  chiziqli operatorning normasi uchun quyidagi tengliklar o'rinli:

$$1. \|A\| = \sup_{x \neq 0} \frac{\|Ax\|_{H_2}}{\|x\|_{H_1}};$$

$$2. \|A\| = \sup_{\|x\|_{H_1} < 1} \|Ax\|_{H_2};$$

$$3. \|A\| = \sup_{\|x\|_{H_1} = 1} \|Ax\|_{H_2}.$$

Chiziqli chegaralangan operator xossalari:

1<sup>o</sup>. Agar  $A: H_1 \rightarrow H_2$  va  $B: H_1 \rightarrow H_2$  chiziqli operatorlar chegaralangan bo'lsa, u holda ularning yig'indisi  $A+B$  operator ham chegaralangan va  $\|A+B\| \leq \|A\| + \|B\|$  bo'ladi.

2<sup>o</sup>. Agar  $A: H_1 \rightarrow H_2$  chiziqli operatorlar chegaralangan bo'lsa, u holda  $\forall \alpha \in C$  uchun  $\alpha A$  operator ham chegaralangan.

3<sup>o</sup>. Agar  $A:H_1 \rightarrow H_2$  va  $B:H_1 \rightarrow H_2$  chiziqli operatorlar chegaralangan bo'lsa, u holda  $AB$  va  $BA$  operator ham chegaralangan va  $\|AB\| \leq \|A\| \|B\|$  bo'ladi.

**Ta'rif 7. (Geyne)**  $X$  va  $Y$  normalangan fazolar va  $A:X \rightarrow Y$  chiziqli operator bo'lsin. Agar  $x_0 \in X$  elementga intiluvchi ixtiyoriy  $\{x_n\} \in X$  ketma-ketlik uchun  $\{Ax_n\} \in Y$  ketma-ketlik  $Ax_0 \in Y$  elementga intilsa,  $A$  operator  $x_0$  nuqtada uzluksiz deyiladi. Agar  $A$  operator  $X$  fazoning har bir nuqtasida uzluksiz bo'lsa u **butun fazoda uzluksiz** deyiladi.

Ma'lumki uzluksiz funksiya chegaralangan bo'ladi. Chiziqli operatorlar uchun esa uzluksizlik va chegaralanganlik tushunchalari ekvivalent.

**Teorema 2.**  $H_1$  va  $H_2$  Hilbert fazolari va  $A:H_1 \rightarrow H_2$  chiziqli operator bo'lsin. Quyidagi tasdiqlar ekvivalent:

1.  $A$  operator  $0$  nuqtada uzluksiz;
2.  $A$  operator butun  $X$  fazoda uzluksiz;
3.  $A$  operator chegaralangan.

**Misol 3.**  $l_2(Z^d)$  fazoda quyidagi operatorni aniqlaymiz:

$$A:l_2(Z^d) \rightarrow l_2(Z^d), (Af)(x) = \hat{\varepsilon}(x) \hat{f}(x), x \in Z^d, \hat{f} \in l_2(Z^d),$$

bunda  $\hat{\varepsilon}(x) - Z^d$  da aniqlangan biror funksiya. Ravshanki,  $A$  chiziqli operator. Bu operatorning aniqlanish sohasi

$$D(A) = \left\{ \hat{f} \in l_2(Z^d) : \sum_{x \in Z^d} \varepsilon(x) \hat{f}(x)^2 < \infty \right\}$$

to'plamdir. Quyidagi teorema o'rinli:

**Teorema 3.**  $A$  operatorning aniqlanish sohasi butun  $l_2(Z^d)$  fazoga teng bo'lishi uchun

$$\sum_{x \in Z^d} \varepsilon(x) < \infty$$

bo'lishi zarur va yetarli.

**Misol 4.**  $L_2(T^d)$  fazoda aniqlangan ko'paytirish operatorini qaraymiz:

$$(Af)(x) = \varepsilon(x) f(x), f \in L_2(T^d), x \in T^d,$$

bunda  $\varepsilon(x) - T^d$  da aniqlangan biror kvadrati bilan integrallanuvchi funksiya. Ko'rinib turibdiki,  $A$  operator chiziqli. Uning aniqlanish sohasi

$$D(A) = \left\{ f \in L_2(T^d) : \int_{x \in T^d} \varepsilon(x) f(x)^2 dx < \infty \right\}.$$

Quyidagi to'plamni kiritamiz:

$$X_n(f) = \{x \in T^d : \varepsilon(x) f(x) < n\}, f \in L_2(T^d), n \in N.$$

**Ta'rif 8.** Agar biror  $n$  natural son uchun  $\mu(X_n(f)) = 0$  bo'lsa,  $f \in L_2(T^d)$  funksiya **muhim chegaralangan** deyiladi, bu yerda  $\mu(M) - M$  to'plamning Lebeg o'lchovi.

Demak, muhim chegaralanmagan  $f \in L_2(T^d)$  funksiya uchun barcha natural  $n$  larda  $\mu(X_n(f)) > 0$  shart bajariladi.

**Teorema 4.**  $A$  operatorning aniqlanish sohasi butun  $L_2(T^d)$  fazoga teng bo'lishi uchun  $\varepsilon(x)$  funksiyaning muhim chegaralangan bo'lishi yetarli va zarur.

**Misol 5.**  $L_2(T^d)$  fazoda aniqlangan quyidagi operatorni qaraymiz:

$$(Af)(t) = \int_{T^d} K(t, x) f(x) dx, f \in L_2(T^d),$$

bunda  $K(t, x)$  funksiya  $T^d \times T^d$  da aniqlangan biror o'lvovli kvadrati bilan integrallanuvchi funksiya. Integralning chiziqiligidan, bu operator chiziqli. Agar

$$\int \int_{T^d} \sqrt{K(t, x)} dx dt < \infty$$

bo'lsa, u chegaralangan operator bo'ladi (Fubini teoremasi). Bunday operator integral operator deb ataladi.  $K(t, x)$  funksiya esa uning yadrosi deyiladi.

### Foydalanilgan adabiyotlar

1. M.I. Mo'minov, C. Lokman Finiteness of discrete spectrum of the two-particle Schödinger operator on diamond lattices. *Nanosystems; physics, chemistry mathematics*, 2017, 8(3), P. 310-316.
2. Колмогоров А.Н., Фомин С.В. Элементы теории функций и функционального анализа. Москва: Наука. 1989.
3. Nafasov, G., Xudoyqulov, R., & Usmonov, N. (2023). Developing logical thinking skills in mathematics teachers through digital technologies. *Евразийский журнал технологий и инноваций*, 1(5 Part 2), 229-233.
4. Usmonov, N. M. (2024). *Maple paketi orqali oddiy va xususiy hosilali differensial tenglamalarini yechish. Экономика и социум*, (12-2 (127)), 928-935.
5. Муминов М.Э., А.М. Хуррамов А.М. Спектральные свойства двухчастичного гамильтониана на одномерной решетке // *Уфимск. матем. журн.* 2014. Т. 177, №. 4. С. 102–110.
6. Муминов М.Э. О положительности двухчастичного гамильтониана на решетке // *Теор. Мат. Физика.* 2007. Т.153, №. 3. С. 381–387.
7. Usmonov, N. M. (2022). Kompleks argumentli trigonometrik va giperbolik funksiyalar. *Вестник магистратуры*, (6-3 (129)), 4-6.